

toos ne'e atu lekirauk labele estraga aifuan (hudi) iha toos laran ne'e. Ai-fuan ka hudi mak ita ema, lekirauk mak diabo. Oan ba hein toos mak Jezús Kristo.

Espírito Santo mak, hafoun mundo. Jezús Kristo mai hein toos duni lekirauk be estraga ai-fuan, maibe lutu monu estraga no dodok Espírito Santo mak hadiak/ hafoun lutu ne'e. lutu mak ita nia fiar iha Maromak.

Sira nain tolu halo serbisu keta-ketak, maibe sira Nain Tolu ne'e serbisu ba buat ida deit, mak "salva ema nia klamar", serbisu ba emaa ninia diak iha moris aban bain rua nian, wainhira husik ona mundu ne'e.

Animador fo tempo sekari sira iha duvida bele klarifika.



Aman laos Oan no laos Espírito Santo
Oan laos Aman no laos Espírito Santo
Espírito Santo laos Aman no Oan

Aman, Oan no Espírito Santo sita nain tolu MAROMAK IDA DEIT



Katekese
iha oratorio ba
Pre-Adolexente!



V

JEZÚS MORIS HIAS HATUDU AN BA EMA ATUS LIMA RESIN

Objetivo:

Hatene Jezús hatudu an ba ema fiar nain sira
Komprende Jezús fo kbiit ba sira ne'ebé presiza
Sai sasin ba Jezús nia moris hias iha mundo ne'e

Prosesu

Orasaun: Ave Maria ... Gloria ...

Knananuk Makloke **Ami Fiar Jezús**

Ami fiar Jezús, ami Na'i. ami hein Jezús, ami Na'i.
ami hananu Jezús, ami Na'i. Na'i Jezús rona ami 2x
Ita ho ami Jezús, Ita ho ami. Iha terus Jezús, Ita ho ami.
Iha ksolok Jezús, Ita ho ami. Ita ho ami ba nafatin 2x

Perguntas provokativo

1. *Semana uluk ita nia katekese koaliala kona ba saida?*
2. *Tansa mak Tomé dehan ha'u nia Na'i ha'u nia Maromak!*
3. *Iha ita nia katekese paskoa nian ne'e koaliala kona ba Jezús nia hatudu an. Jezús hatudu An dala hira ona no ba sese deit?*
4.

Leitura (I Kor. 15:1-11)

Kristu nia moris hi'as

¹Oras ne'e ha'u halo imi hanoin fali, maun alin sira, evanjeliu nebe ha'u haklaken tiha ba imi, nebe imi simu tiha ona no iha nebe imi hamriik metin. ²Housi nia imi hetan maksoin, imi laran metin karik ba liafuan nebe ha'u haklaken tiha ba imi, ka imi fiar leet deit karik. ³Basa ha'u saran ba imi nudar buat nebe folin boot liu buat hot-hotu nebe ha'u mos simu tiha: katak Kristu mate tan ita nia sala sira tuir Eskritura; ⁴katak ema hako'i Nia; katak liu tiha loron tolu, Nia moris hi'as tuir Eskritura; ⁵katak Nia mosu ba Cefas, tuir mai ba sira sanulu resin rua. ⁶Ne'e hotu tiha, Nia mosu ba maun alin na'in atus lima resin ida tempu ida deit, no sira ne'e barak sei moris dau-daun, maski balun toba tiha. ⁷Tuir mai, Nia mosu ba Tiago, hafoin ba apostolu sira hotu. ⁸Ikus mai, hanesan ba ema nebe moris mai iha tempu la los, Nia mosu mai ha'u. ⁹Basa iha apostolu sira leet, ha'u mak kiik liu, la soi atu hanaran an apostolu, basa ha'u fo terus ba Maromak nia kreda. ¹⁰Maibe, tan Maromak nia grasa, ha'u sai buat nebe

Evangelho (Mat. 28: 16- 20)

Eskolante Sanulu resin ida ne'ebé lao ba Galileia, ba foho ne'ebé uluk Jezús haruka sira. hare tiha Nia, sira adora Nia; maibe sira balun laran namlele hela. Jezús hakbesik hodi koaliala ba sira dehan: “ Kbiit tomak iha lalehan no rai fo tiha ona mai Ha'u. Ne'e duni lao ba, hanorin na-saun hotu hotu; sarani sira hodi Aman, Oan no Espirito Santo nia naran, hanorin sira atu halo tuir buat hotu ne'ebé Ha'u haruka imi. Ha'u sei hela nafatin hamutuk ho imi, to'o mundu nia rohan.

Perguntas atu haklean Evanjellu

1. Saida mak ohin imi hare iha surat tahan be ha'u hatudu ba imi?
2. Saida mak imi foin rona iha Evangelho?
3. Jezús husu ba Eskolante sira atu ba ne'ebé ?
4. Jezús husu ba Ninia Eskolante sira atu halo saida?
5. ...

Resumo

Resumo

Alin sira, foin ita hare sikun tolu hamutuk iha surat tahan ida deit. Ida ne'e halo ita atu komprende oituan kona kona ba Ita Nia Maromak ka Maromak be ita fiar. Ita nia fiar kesi iha Santissima Trindade, katak iha Maromak ida deit, maibe sira nain tolu keta-ketak, Nain Tolu ne'e mak, Aman, Oan no Espirito Santo.

Aman nia serbisu mak hakiak mundo no buat hotu be moris iha mundo ne'e. La iha buat ida be moris mesak deit, buat hotu Aman mak halo nia moris.

Animador esplika diferensia Maromak no ema halo buat ne'ebé la iha sai iha. Maromak halo husi buat ne'ebé la iha (la iha/ usa ekipamentos ida) Nia halo ho Nia liafuan rasik ka koaliala deit/ dehan “loron iha ba mak loron iha” duni. Ema halo ka hamosu buat foun ida, husi buat ne'ebé iha ona. Exp. Halo meja no kadeira husi ai. Ai-hun Maromak halo, ema tesi, halo ba meja no kadeira.

Oan Jezús Kristo, nia knar mak salva. Aman halo tiha buat hotu mesak furak no diak, maibe diabu mai estraga tiha, Oan mak mai halo diak fali. Exp. Apa halo toos kuda ai-fuan (hudi) iha toos laran, hudi fo fuan no tasak, lekirauk mai nauk no estraga. Entaun Apa nia oan mak ba hein

VIII SANTISSIMA TRINDADE

Objetivo : Hatene Santissima Trindade katak sa?
Komprende Maromak ida deit maibe Nain tolu keta-ketak
Fiar maski la komprede lolos

Prosesu

Orasaun : *Hodi Padre, hodi Filho, hodi Espírito Santo. Amen*
(*Ami Aman, Ave Maria, Gloria*)


Knananuk: GLORIA BA NA'I 260

Gloria ba Na'i, gloria ba Na'i, hahi ba Na'i.

1. Gloria ba Padre, gloria ba Filho,
gloria ba Espiritu Santu.
2. Nudar hori uluk, oras ne'e,
Tinan ba tinan, nafatin. ***Amen.***

Ilustrasi

Animador prepara surat tahan tesi ba trianglu/ sikun tolu. Hatudu ba labarik sira, tau Aman, Oan no Espírito Santo iha sikun ida-ida.



Esplika:

ne'e surat tahan iha ida deit. Surat tahan ne'e ida, maibe iha sikun tolu.
Sikun tolu ne'e iha surat tahan ida. Tolu ne'e iha ida, maki tolu maibe sira
mak iha ida deit.

ha'u dau-daun, no Na'i nia grasa iha ha'u la leet deit. Tebes duni, ha'u
serbisu maka'as liu fali sira hotu; lo-los la'os ha'u, maibe Maromak nia
grasa nebe iha ha'u laran. ¹¹Ne'e duni, biar ha'u ka sira, nune'e ami
haklaken no nune'e imi fiar.

Perguntas atu haklean leitura

1. Temi took ba ba Jezús nia moris hias ne'e, Nia hatudu an ba sese deit, no
ikus liu ba se?
2. Saun Paulo hakerek karta ne'e ba se? (sarani sira iha Korinto)
3. Jezús hatudu An ba ema nain hira? (atus lima resin)
4.

Resumo

Iha Saun Paulo nia surat koalia mai ita katak Kristu laos deit mosu
ba Apostolo sira maibe mos ba sarani sira seluk, nune'e iha maun alin
nain atus lima resin, Nia hatudu-An dala ida deit sira ne'e hotu; ho ne'e
ita bele dehan katak, iha tmpo ne'ebá ema ne'ebé hare Jezús moris hias
husi mate, laos deit Ninia Apostolo sira maibe mos sira ne'ebé fiar iha
Nia naran, iha mos feto sira; ne'ebé rona liafuan diak husi Apostolo sira.
Nune'e iha momentu ne'ebá Jezús laos deit husu ba Apostolo sira atu
haklaken Evanjellu, maibe mos ba ema hirak ne'ebé hare Na'i moris hias
husi mate/ Jezús hatudu An ba sira, simu mos knaar atu kontinua Jezús
nia misaun ida ne'e iha fatin hotu.

Nune'e mos mai ita ida-idak ne'ebé simu ona sakramentu Batismu,
ita hotu iha obrigasaun atu halao knaar ida ne'e "haklaken Kristo nia
moris" ba ema hotu iha ita ida-idak nia fatin; liu husi ita nia moris, hatudu
hahalok fiar nian. Jezús mosu dala barak mai ita liu husi ema seluk nia
prezensa no iha ita neon no laran, liu husi Eukaristia. Nune'e ita presiza tau
matan ba ita nia an hodi konsiente ho Kristu nia prezensa real iha Hostia santa.

Don Bosco iha nia moris nia iha devosaun boot liu ba sakramentu
Eukaristia tamba iha ne'ebá mak Jezús nia prezensa real liu husi Hostia
Santa. Nia mos hanorin Nia Oan sira atu prepara sira nia fuan molok atu
selebra Eukaristia. Ba Don Bosco atu to'o iha Jezús presiza liu husi Nia
Inan Maria Virjem. Wainhira hakarak husu grasa ruma presiza husu liu
husi Nain Feto. Tan Na'i Feto mak nu'udar matadalan ba Jezús.

Servisu iha uma:

Kalan kalan keta haluha reza Ami Aman, Ave Maria, Gloria, Salve Liurai Feto 3x ba
Na'i Feto iha loron Novena nian, husi Dia 15 – 24 de Maiu, konvida mos familia atu
reza hamutuk.

VI

JEZÚS MORIS HIAS, HATUDU AN BA NIA ESKOLANTE SIRA IHA GALILEIA

Objetivo :

Hatene Jezús hatudu an atu hametin fiar

Komprenhe Jezús fo koragem ba ita

Sai sasin ba Jezús nia lia menon iha ita nia moris tomak

Prosesu

Knananuk Makloke

Imi ba mundu tomak, ba haklaken Ha'u nia liafuan,

Imi ba mundu tomak, lori Ha'u nia domin ba.

Tansa haruka ha'u Na'i, ha'u nia ibun foer, tansa haruka ha'u Na'i.

Tansa haruka ha'u Na'i, ha'u sei labarik ida, tansa haruka ha'u Na'i

(esplika figura ne'e ba foin –sa'e sira, hodi kompara ho Evangelho katekeze nian).



Resumo.

(Molok hahu Rezumo, review semana uluk nia pratika sira)

Wainhira Jezús mate tiha, Apostolo sira hotu taka an metin iha uma laran tamba tauk nailulik sira. Nune'e iha momentu ne'ebá mak Jezús mosu ba sira, maske odamatan hotu taka metin. Ho sira nia tauk ida ne'e halo sira sente mesak no triste, sira sente hela iha nakukun nia laran tamba lakon Naroman ida iha sira nia leet. Maibe wainhira derepente Jezús mosu ba sira, sira sente naroman boot ida mosu atu leno sira nia fuan ne'ebé nakukun, fuan ne'ebé hela iha triste nia laran. Sira nia fuan ne'ebé hetan naroman halo sira sai laran manas, halo sira nia oin sai nabilan tamba sira hare Kristu. Kristu ida ne'ebé moris hias, Kristu ida ne'ebé manan mate. Jezús lahusik ita ema mesak, ema ida-idak labele sente katak Maromak husik nia no halo ita lakon ita nia dalan moris nian, liu liu iha momentu ne'ebé difisil ka susar. Iha momentu hotu Maromak nafatin ho ita atu tulun ita. oras ne'e ita iha Fulan Na'i Feto nian, ita husu atu Nia akompanha ita; nu'udar Inan Nia sei hamutuk ho ita nafatin, nune'e ita labele husik orasaun ba Maria.

Hanesan Ita nia Aman Don Bosco hanorin ita katak, Maria mak ita nia Inan ne'ebé nafatin hamutuk ho ita lor- loron, nune'e keta haluha lor- loron Ave Maria ida nafatin molok hahu ita nia loron no mos wainhira atu deskansa.


Buat ne'ebé atu pratika iha uma.

Semana nia laran sei reza Ave Maria 3 ba Na'i Feto iha dader no kalandan, ho intensaun privado no mos ba Dame iha mundu liu-liu ba nasaun sira ne'ebé to'o oras ne'e kontinua funu.



Neon tasak, neon naroman, hanorin loos beran metin, matenek, fo laran ba Maromak, hamtauk Maromak

4. Temi eskolante sira nia reasaun wainhira hare Na'i?
5. Maski Jezús mate tiha mak moris, nia eskolante sira ... nia nafatin. (tun)
6. Se mak hakerek evanjellu be Jezús dehan: "Simu ba Espiritu Santu! (tun)
7. Jezús dehan: "Simu ba Espiritu Santu! Nune'e apostolu sira simu
8. Loron Apostolo sira simu Espirito Santo ita hanaran



Evangelho Jo. 20: 19-25

Iha kalan loron uluk semana nian, uma iha ne'ebé Eskolante sira hela, nia odamatan sira taka metin tan sira ta'uk Judeu sira; Jezús mosu mai, hamriik iha sira leet hodi dehan: " Dame hela ho imi! " koalia tiha nune'e Nia hatudu ba sira nia liman no sorin. Hare tiha Na'i, eskolante sira haksolok teb tebes. Jezús lia tun teni ba sira: " Dame hela ho imi !" Nu'udar Ha'u Aman haruka Ha'u mai, nune'e mos Ha'u hauka imi ba,". Hateten tiha ne'e, Nia huu iis ba sira dehan : "Simu ba Espiritu Santu! Sira ne'ebé imi perdua sira sala, sira hetan duni perdua; sira ne'ebé imi la perdua sira sala, sira la hetan duni perdua."

Tomé sira nain sanulu resin ida ne'e ida, ne'ebé ema hanaran kaduak, lahamutuk ho sira wainhira Jezús mosu. Tan ne'e Eskolante sira hateten ba nia: " ami haree ona Na'i." Maibe nia hatan ba sira: " Ha'u la haree karik besi kusan iha Nia liman nia kuak, la tau karik ha'u nia liman fuan iha besi kusan fatin, no lahatama karik ha'u nia liman iha Nia sorin, ha'u sei la fiar."

Evangelho (Mat. 28: 16- 20)

Eskolante Sanulu resin ida ne'ebé lao ba Galileia, ba foho ne'ebé uluk Jezús haruka sira. hare tiha Nia, sira adora Nia; maibe sira balun laran namlele hela. Jezús hakbesik hodi koalia ba sira dehan: " Kbiit tomak iha lalehan no rai fo tiha ona mai Ha'u. Ne'e duni lao ba, hanorin nasaun hotu hotu; sarani sira hodi Aman, Oan no Espirito Santo nia naran, hanorin sira atu halo tuir buat hotu ne'ebé Ha'u haruka imi. Ha'u sei hela nafatin hamutuk ho imi, to'o mundu nia rohan.

Perguntas

1. Saida mak ohin imi hare iha figura ?
2. Saida mak imi foin rona iha Evangelho?
3. Eskolante sira lao ba ne'ebé ?
4. Jezús husu ba Ninia Eskolante sira atu halo saida?
5.

Resumo

Iha knanauk ne'ebé ohin ita hananu iha leten koalia kona ba "Ba atu haklaken". Atu haklaken Maromak nia hakarak laos hare ba rasa, tinan, matenek, maibe hare liu ba ema no ninia fiar. Se deit, ó, ha'u, nia, nia, bele hotu deit. Oinsa haklaken? Haklaken la too deit hodi rega ka koali barak, maibe presisa hatudu mak barak, tan ne'e ema sira be haklaken ne'e tenki ema fiar nain ida. Atu nune'e nia influensia ema ho ninia fiar ne'e,

Ohin ita rona iha Evangelho Katekeze nian katak Jezús mosu ba Eskolante sira iha Galileia, fo mandato ba nia eskolante sira dehan; "...lao ba, hanorin nasaun hotu hotu; sarani sira hodi Aman, Oan no Espirito Santo nia naran, hanorin sira atu halo tuir buat hotu ne'ebé Ha'u haruka imi."

Molok ida ne'e Nia mosu ba sira, haraik ba sira Nia dame, hafoin huu iis Espirito Santo ba sira, no agora Nia husu sira atu ho kbiit ne'ebé sira iha ona, sira bele lao ba atu haklaken liafuan diak ne'ebé sira rona husi Nia, hodi fahe fali ho ema seluk buat ne'ebé sira koko/esperensia hamutuk ho Jezús; Jezús fo mandato ba sira atu ba sarani ema " *Hodi Aman, Oan no Espiritu santu*". Nu'udar sarani, liafuan ida ne'e mak sai nu'udar ita Sarani nia " sinal" lorloron nian ne'ebé bele dehan katak : sinal hahu nian" mai ita nu'udar sarani, tamba wainhira ita hader, toba, han, servisu, reza, ita nafatin hahu ho sinal ida ne'e, ne'ebé lori ita atu

kontempla Maromak Santissima Trindade. No ita mos presiza konsiente ho sinal ne'ebé ita halo ne'e, tamba sinal ne'e sai hanesan forsa ida mai ita atu hahu ita nia loron.

Don Bosco mos, wainhira iha Oratorio hanorin nia oan sira atu sai labarik ne'ebé diak iha Kreda no mos sosiedade nia laran. Maske sira nakar liu maibe ho domin no pasiensia Don Bosco tuir sira atu sira bele aprende buat ne'ebé diak atu nune'e sira bele sai sarani ne'ebé diak no sosiedade ne'ebé los. No ida ne'e Don Bosco hala'o ho Ninia Mama Margareta iha oratorio atu tau matan ba labarik sira ne'e; no Don Bosco konsege halao buat hotu ne'e ho diak tamba liu husi Na'i Feto Auxiliadora nia interseasaun. Fulan-fulan nafatin iha novena ba Maria Sarani sira nia tulun, no lorloron nafatin reza Rosário. Ida ne'e hahalok ida ne'ebé Don Bosco halo, nu'udar mandato ida atu "haklaken" no iha tempu hanesan Nia mos hanorin nia oan sira atu aprende sai Sarani diak no sidadaun los atu nune'e sira mos bele ba haklaken ba ema seluk liu husi sira nia moris.

Servisu iha uma

Halo orasaun ida ba Na'in Feto molok deskansa, hodi agradese ba diak hotu ne'ebé ha'u simu liu husi familia no belun sira, no husu grasa paz nian ba nasaun sira ne'ebé sei kontinua funu.



Don Bosco hatudu
labarik sira iha oratorio ba
Mama Margareta

VII

ESPÍRITO SANTO TUN BA APOSTOLO SIRA

Objetivo : Hatene Espírito Santo nia knaar, atu hametin fiar
Komprende Espírito Santo atu hakonu an ho Nia kbiit
Laran metin iha Espírito Santo nia kbiit

Prosesu

Orasaun : Hodi Padre, hodi Filho, Ami aman, Ave Maria no Gloria Hananu

HARUKA ITA BOOT NIA ESPIRITU

354

Haruka Ita Boot nia Espiritu

halo foun hikas rai tomak.

1. Ha'u klamar hawelok ha'u Na'i.
Na'i, ha'u nia Maromak, Ita Boot tebes.
Buat hotu Ita Boot hakiak nakonu iha rai.
2. Ita Boot hasai karik Ita Boot nia Espiritu,
sira mate, sira fila ba rai rahun;
haruka Ita Boot nia Espiritu sira moris.
Hafoun rai tomak nia ilas.
3. Na'i nia gloria sei ba nafatin.
Na'i haksolok ho buat hotu Nia halo.
Na'i haksolok ho ha'u nia hananu.
Ha'u nia ksolok iha ha'u Na'i.

Jogos

Animador fahe jovem sira ba grupo ± nain 5 (lima) grupo ida. Hafoin fahe pazel ne'e atu sira enche iha grupo. Animador lee evanjellu atu sira rona hodi hakonu pazel ne'e.

1. Espírito Santo tun ba Apostolos nain hira?
2. Liafuan primeiro be Jezús dehan wainhira Nia mosu ba sira?
3. Se mak hamutuk ho Apostolo sira simu Espírito Santo? (tun)